



Inatsisartut Ilaqutariinnermut Ataatsimiititaliaat

Maani

**UKA 2006/35 pillugu apeqquummut erseqqissaat – annertuumik innarluutillit
pillugit inatsisartut peqquussutaannik allannguuteqartitsinissamut
inatsisartut peqquussutissaannik siunnersuut pillugu**

Ilaqutariinnermut Ataatsimiititaliap 12. oktober 2006-imi ullulernerqarsimasunik allakkaminni Ilaqutariinnermut Pisortaqarfik qinnuigaat Ilaqutariinnermut Ataatsimiititaliap siusinnerusukkut apeqquutaata 1-ip akissutaanut itisiliisoqassasoq, tamatumanilu pineqarpoq sullivik illersugaq.

1) Sullivik illersugaq qanoq ililluni itinerusumik paasinarnerusumillu nassuiarneqarsinnaava immaqalu erseqqissarneqarluni?

Oqaaseqaatini siunnersuummut tunngasuni saqqummiunneqarpoq sullivimmu illersukkamut assingisoq tassaasoq sullivik nalinginnaasoq, assersuutigalugu tunisassianik nioqqutissiorfiulluni.

Nassuiarnera itisilissagaanni ilanngunneqarsinnaavoq piumasaqaataangimmat nioqqutissiat tunisassiarineqartut sordiaanissaat imaluunniit qanorpiaq tunisassiarineqarnissaat piumasaqaatigineqangimmat. Sullivimmi illersukkami assersuutigalugu marriortoqarsinnaavoq pisiniarfimmi tuniniagassanik, naneruusior-toqarsinnaavoq Brugsenimi tuniniagassanik imaluunniit juillimut pinnerasaasiortoqarsinnaavoq juullilernerani niuffaffimmi tuniniagassanik il.il. Sullivimmi illersukkami pisariaqangilaq tunisassiornikkut aalajangersimasumik isertitaqarnissaq. Naammangilarli imatut nassuiassissallugu sullivik ornittagaannaasoq imaluunniit kaffisoriartortarfiinnaasoq, annertuumik innarluutilimmut annertunerusumik suliassaqartitsiviunani.

Ilaqutariinnermut Ataatsimiititaliap eqqumaffigisariaqarjaa siunnerfileqqissaakkamik matoqqasumillu nassuiaasersuinikkut annertunerusumik oqaasertalersuinissamut periarfissaaruteqqajaanarsisarmat.

Inussiarnersumik inuulluaqqusillunga

Aleqa Hammond

24.10.2006
J.nr. 01.25.01/EM06-035

Postboks 260
3900 Nuuk
Oq/tel +299 34 50 00
Fax +299 32 45 47
ilapi@qh.gl
www.nanog.gl/ilapi